

al. maluisse.

prolapsam in pedem eius incidisse, pro qua re Iupiter eius misertus inter sidera eunt constituit cum hostia quam supra aram tenens immolare uidetur. Hunc alii Pholon esse Centaurum dixerunt, eumque aruspicio præter cæteros plurimum et ualere. Itaque ad aram cum hostia uenire Iouis uoluntate figuratur.

Ara.

IN hac primum dii existimantur sacra & coniurationem fecisse, cum Titanas oppugnare conarentur, eam autem cyclopas fecisse, ab ea consuetudine homines dicuntur instituisse sibi, ut cum aliquam rem efficere cogitarent, prius sacrificarent quam agere cœpissent.

Hydra.



IN hac coruus insidere & crater positus existimatur, de qua hanc habemus memoriæ proditam causam. Coruus Apollinis tutela usus, eo sacrificante missus à fonte aquam puram petere, uidit arbores complures ficorum immaturas, eas expectans dum maturescerent, in arbore quadam earum consedit. Itaque post aliquot dies costis ficibus, & à coruo pluribus earum comelis, expectans. **A**pollo coruum, uidit eum cum cratere pleno uolare festinantem, quo pro admisso eius dicitur, quod diu moratus sit Apollinem, qui coactus mora corui, alia aqua est usus, hac ignominia eum affecisse, ut quamdiu ficus coquerentur, coruus bibere non posset, ideo quod guttur habeat pertusum illis diebus. Itaque cum uellet significare sitim corui, inter sidera constituit crateram, & supposuit hydram, quæ coruum sitientem moratur. Videtur enim rostro caudam eius extremam uerberare, ut tanquam non sinat se ad crateram transire. **H**istrus autem & complures dixerunt Coronida Phlegyæ filiâ fuisse, hanc autem ex Apolline Aesculapium procreasse. Sed postea Ischyn Elati filium cum ea concubuisse, quod cum uideret coruus, Apollini nunciaffe, qui cum fuerit antea candidus, pro incommodo nuncio, eum nigrum fecisse, & Ischyn sagittis confixisse. De Cratera autem hanc historiâ Philarchus scribit. In Chersoneso quæ confinis est Troiæ, ubi Protesilai sepulchrum statutum complures dixerunt, urbs Phlagusa nomine dicitur, in qua Demiphon quidam, cum regnaret incidit eorum finibus repentina uastitas, & ciuium internitio miranda, quare Demiphonta permotum ferunt misisse ad Apollinis oraculum remedium quærens uastitatis, responso autem dato, ut quotannis una de nobilium genere uirgo diis penatibus eorum immolaretur. Demiphon omnium filias præter suas sorte ductas interficiebat, usque dum cuidam ciuium loco nobilissimo eorum nato, perdoluit inceptum Demiphontis, qui negare cœpit de sua filia se passurum somni, nisi eodem regis filia coniecta essent, quo facto rex permotus, illius filiam sine sorte ducta interfecit, quod Mastusius nomine uirginis pater instanti tempore simulauit se patre causa non ferre ægre factum, potuisset enim postea sorte ducta nihilominus interficere, quod paulatim dies regi in obliuionem perduxit. Itaque cum se prope amicissimum regi propter uirginis ostendisset, solenne sacrificium se habere dixit, eumque & filias eius ad id sacrificandum inuitauit, qui nihil aliter futurum suspicatus, filias antea misit, ut ipse occupatus in re ciuili postea ueniret. Quod cum exoptanti Mastusio accidisset, filias eius interfecit, & sanguinem earum cum uino in cratere mixtum aduenienti regi pro portione dari iussit, qui cum filias desideraret & quid his factum esse rescisset, Mastusium cum cratere in mari proiici iussit, quo facto mare quo ille proiectus est, memoriæ causa, Mastusium uocatum, portus autem adhuc crater dicitur, quam antiqui Astrologi stellis deformauerunt, ut homines meminissent, maleficium neminem temere lucrari posse, neque obliuionem inimicitiarum fieri solere. Nonnulli cum Eratosthene dicunt, eum cratera esse quo Icarus sit usus, cum hominibus ostenderet uinum. Alii autem dolium esse, quo Mastusius ab Otho & Ephialte sit coniectus.

- a** Ouid. 2. Fastor. addit coruum unam attulisse hydrum quoque, et culpam moræ in illum reiecisse, tanquam qui se remoratus fuisset.
b In alijs legitur Mastusium, nos ex Plinio Mastusium legendum duximus. uide lib. 4. cap. xi.

Piscis